

TURISTIČKA ZAJEDNICA OPĆINE JAJCE  
TURISTIČKO VIJEĆE TURISTIČKE ZAJEDNICE OPĆINE JAJCE  
Hrvoja Vukčića Hrvatinića bb, Jajce- Info centar  
e-mail: turistickovijece@gmail.com

---

Broj: 11/22  
Jajce, 21.11.2022. godine

Na osnovu člana 8. Zakona o ministarskim i vladinim imenovanjima (12/03, 34/04, 65/13), člana 14 st. 6, t. f Zakona o turističkim zajednicama Srednjobosanskog kantona ("Službene novine Srednjobosanskog kantona" broj: 3., od 17. aprila 2020. godine), člana 28. Statuta Turističke zajednice Općine Jajce, te Odluke Turističkog vijeća Općine Jajce od 21.11.2022. godine, Turističko vijeće Turističke zajednice Općine Jajce raspisuje

**JAVNI OGLAS**  
**za izbor i imenovanje direktora Turističkog ureda Turističke zajednice Općine Jajce**

Objavljuje se javni oglas za izbor i imenovanje **direktora Turističkog ureda Turističke zajednice Općine Jajce** (na mandatni period od 4 (četiri) godine).

**I OPIS POZICIJE DIREKTORA**

Direktor Turističkog ureda Turističke zajednice Općine Jajce:

- provodi odluke Turističkog vijeća,
- zastupa Turističku zajednicu i poduzima sve pravne radnje u ime i za račun Turističke zajednice,
- zastupa Turističku zajednicu u svim postupcima pred sudovima, upravnim i drugim državnim tijelima, te pravnim osobama s javnim ovlastima,
- odgovoran je za namjensko korištenje sredstava koja se vode u turističkoj zajednici,
- direktor Turističkog ureda samostalno raspolažefinancijskim sredstvima do 6.000,00 KM, a preko tog iznosa potrebna je suglasnost Turističkog vijeća,
- usklađuje materijalne i druge uvjete rada Turističkog ureda i brine se da poslovi i zadaci budu na vrijeme i kvalitetno obavljani u skladu s odlukama, zaključcima i programom rada Zajednice i njezinih tijela,
- predlaže organizaciju i sistematizaciju radnih mjesta Turističkog ureda,

- odlučuje o zapošljavanju radnika u Turističkom uredu i raspoređivanju radnika na određena radna mjesta, te o prestanku rada u skladu sa aktom o unutrašnjoj organizaciji i sistematizaciji Turističkog ureda,
- upozorava radnike Turističkog ureda i tijela Turističke zajednice na zakonitosti njihovih odluka,
- odlučuje o službenom putovanju radnika Turističke zajednice, korištenju osobnih automobile u službene svrhe i o korištenju sredstava reprezentacije,
- odlučuje o povjeravanju pojedinih stručnih poslova trećim osobama ako ocijeni da je to potrebno i svrsihodno, a u cilju izvršenja zadatka Turističke zajednice,
- potpisuje poslovnu dokumentaciju Turističke zajednice,
- priprema, zajedno sa predsjednikom Turističkog vijeća sjednice Turističkog vijeća i Skupštine,
- podnosi Turističkom vijeću izvješće o svom radu i o radu Turističkog ureda najmanje jednom godišnje, te predlaže mjere za unapređenje organizacije rada Turističkog ureda,
- priprema prijedloge akata koji su neophodno potrebni za obavljanje poslova Turističkog ureda,
- obavlja i druge poslove utvrđene Zakonom, aktima i odlukama tijela Turističke zajednice.

## II OPĆI USLOVI

Kandidati za Direktora Turističkog ureda Turističke zajednice Općine Jajce moraju ispunjavati sljedeće opće uslove:

1. da su državljani Bosne i Hercegovine,
2. da su stariji od 18 godina,
3. da se protiv njih ne vodi krivični postupak,
4. da nisu osuđivani za krivično djelo ili privredni prestup, koji predstavlja smetnju za imenovanje na poziciju Direktora Turističke zajednice Općine Jajce, u roku od 5 (pet) godina od dana izdržane, izvršene, zastarjele ili oproštene kazne,
5. da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini, u periodu od 3 (tri) godine prije dana objavljivanja javnog oglasa,
6. da nisu izabrani dužnosnici, nosioci izvršne funkcije ili savjetnici u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine" broj: 70/80),
7. da nisu obuhvaćeni odredbom člana IX. 1. Ustava Bosne i Hercegovine.

### III POSEBNI USLOVI

Pored općih uslova utvrđenih u tački II Javnog oglasa, kandidati za Direktora Turističkog ureda Turističke zajednice Općine Jajce, moraju ispunjavati i sljedeće posebne uslove:

1. završen VSS-VII stupanj stručne spreme ekonomskog ili drugog društvenog smjera, odnosno najmanje II ciklus visokog obrazovanja po Bolonjskom sistemu studiranja,
2. najmanje tri godine radnog iskustva,
3. da posjeduje organizatorske sposobnosti,
4. da nije predsjednik niti član Skupštine ili Turističkog vijeća niti jedne Turističke zajednice, a ukoliko kandidat vrši neku od navedenih funkcija, dužan je uz prijavu na javni oglas dostaviti izjavu da će, ukoliko bude imenovan, odstupiti sa pozicije u roku od 7 (sedam) dana od dana imenovanja,
5. aktivno znanje engleskog jezika ili iznimno nekog drugog stranog jezika,
6. posjedovanje vozačke dozvole za B kategoriju,
7. sklonost suradnji i timskom radu;
8. poznavanje rada na računaru.
9. da u procedure kandidovanja sačine i predstave Program rada i razvoja Turističke zajednice općine Jajca.

### IV POTREBNI DOKUMENTI

Prijava kandidata treba da sadrži kraću biografiju, adresu i kontakt telefon.

Uz prijavu na oglas kandidati su obavezni dostaviti sljedeće dokumente (originalne ili ovjerene kopije):

- (1) Uvjerenje o državljanstvu,
- (2) Izvod iz matične knjige rođenih,
- (3) Uvjerenje nadležnog suda da se protiv kandidata ne vodi krivični postupak (ne stariji od 3 mjeseca),
- (4) Uvjerenje da kandidat nije osuđivan za krivično djelo ili privredni prestup, koji predstavlja smetnju za imenovanje na mjesto Direktora Turističke zajednice Općine Jajce, u roku od 5 (pet) godina od dana izdržane, izvršene, zastarjele ili oproštene kazne (ne starije od 3 mjeseca),
- (5) Diplomu o stečenoj visokoj stručnoj spremi,
- (6) Uvjerenje o radnom iskustvu,
- (7) Dokaz o poznavanju engleskog (iznimno nekog drugog stranog jezika) – fakultetska diploma ili certifikat o završenom tečaju najmanje C1 razine po sve tri kategorije CEFR,
- (8) Ovjerena kopija vozačke dozvole B kategorije,

- (9) Potpisanu i od nadležnog organa ovjerenu izjavu o ispunjavanju uslova iz tačke II, podtačka 5., 6. i 7.
- (10) Potpisanu i od nadležnog organa ovjerenu izjavu iz tačke III, podtačka 4.,
- (11) Program rada i razvoja Turističke zajednice Općine Jajce.

## **V OSTALE NAPOMENE**

Mandat Direktora Turističkog ureda Turističke zajednice Općine Jajce traje 4 (četiri) godine i može biti ponovo imenovan.

Lice imenovano za Direktora Turističkog ureda Turističke zajednice Općine Jajce, zaključit će ugovor o regulisanju međusobnih prava i obaveza sa Turističkim vijećem Turističke zajednice Općine Jajce.

Svi kandidati koji ispunjavaju opće i posebne uslove Javnog oglasa biće pozvani na intervju.

Nakon provedene procedure Javnog oglasa, Komisija će, na osnovu u potpunosti dokumentovanih odluka svakog člana Komisije, Turističkom vijeću Turističke zajednice Općine Jajce dostaviti izvješće o provedenom postupku sa listom uspješnih kandidata.

Direktora Turističkog ureda Turističke zajednice Općine Jajce, na prijedlog Turističkog vijeća Turističke zajednice Općine Jajce imenuje Općinski načelnik uz saglasnost Općinskog vijeća. Smatra se da je kandidat koji je prvi na listi i kojeg je predložila većina od ukupnog broja članova Komisije, kao najuspješniji prošao otvorenu konkurenciju.

Protiv Odluke o imenovanju Direktora Turističkog ureda Turističke zajednice Općine Jajce može se podnijeti prigovor u roku od 8 (osam) dana od prijema Odluke. Prigovor se podnosi Turističkom vijeću Turističke zajednice Općine Jajce.

Izabrani kandidat biće u obavezi, u roku od 7 (sedam) dana od dana imenovanja, dostaviti ljekarsko uvjerenje kao dokaz da njegovo zdravstveno stanje i psihofizičke sposobnosti odgovaraju uslovima radnog mjesta za koji je Javni oglas raspisan.

## **VI ROK I MJESTO ZA PODNOŠENJE PRIJAVA**

Prijavu sa dokumentacijom utvrđenom tačkom IV Javnog oglasa potrebno je dostaviti u roku do 15 (petnaest) dana od dana posljednjeg objavljivanja Javnog oglasa.

Javni oglas objavit će na web stranici Zavoda za zapošljavanje SBK/KSB, web stranici općine Jajce, te u Dnevnom listu "Oslobođenje".

Prijavu sa traženom dokumentacijom dostavit lično ili preporučenom pošiljkom na adresu:

**TURISTIČKA ZAJEDNICA OPĆINE JAJCE**  
**TURISTIČKI URED**  
**Kabinet Općinskog načelnika**

**Ulica: Nikole Šopa bb.**

**70101 JAJCE**


sa naznakom:

**"Prijava na Javni oglas za izbor i imenovanje Direktora Turističkog ureda  
Turističke zajednice Općine Jajce  
/NE OTVARATI/**

Na poleđini koverta upisati ime i prezime podnosioca prijave, adresu, e-mail adresu i kontakt telefon.

Neblagovremene i nepotpune prijave neće se uzeti u razmatranje.

**TURISTIČKA ZAJEDNICA OPĆINE JAJCE  
TURISTIČKO VIJEĆE**

**Predsjednik TV**  
  
-----